


大毘婆沙論

才五十五

三百七十七
節五

50447



Handwritten markings on the left edge, including the number '470'.

Handwritten markings on the right edge, including a large 'U' shape.

阿毘達磨大毗婆沙論卷第五十五 第五

五百大阿羅漢等造

三藏法師

玄奘奉

詔譯

結蘊第二中不善納息第一之十



有身見與有身見為幾緣有身見與戒禁取
乃至無色界修所斷無明隨眠為幾緣乃至
無色界修所斷無明隨眠與無色界修所斷無
明隨眠為幾緣無色界修所斷無明隨眠
與有身見乃至無色界修所斷慢隨眠為幾
緣乃至廣說問何故作此論答為止他宗顯
已義故謂或有執緣無實性如譬喻者問彼
師何故作此執耶答彼依契經故作是執謂
契經說無明緣行彼作是言無明無異相行

有異相

云何無異相法與有異相法作緣而有實性

大德說曰諸師隨想施設緣若非實有性為

遮彼執顯實有緣故作斯論若執諸緣無實

性者應一切法皆無實性四緣具攝一切法

故謂因緣攝一切有為法等無間緣除過去

現在第阿羅漢阿毘達磨天毗婆沙論五十五最後心心所法攝餘過去現在

一切心心所法所緣緣增上緣惣攝一切法復

次若諸緣性非實有者則一切法無甚深

義謂若顯示一切法時若不攝在諸緣觀察

則為麁淺易可了知若攝在緣而觀察者則

為甚深過四大海惟佛檀智能究竟知復次

若諸緣性非實有者應不施設三種菩提諸
以上智觀察緣性名佛菩提若以中智觀察
緣性名獨覺菩提若以下智觀察緣性名聲
聞菩提復次若諸緣性非實有者覺惠應無
三品轉義謂諸覺惠下應常下中應常中上
應常上然諸覺惠下可為中中可為上故諸
緣性定實有體有功能故由此尊者妙音說
曰若諸緣性非實有者師應不能令弟子惠
初劣後勝弟子亦應常為弟子不轉成師然
由諸緣性實有故師令弟子惠得漸增弟子
有時得成師義故諸緣性決定實有問若諸
緣性是實有者為何通彼所引契經

答曰無明自體雖無異相而所作業得有與
相謂無量門無量榜墜功能差別與行作緣
譬如一人有五伎藝彼體雖一而用者有五
復次為欲顯示諸有為法自性羸劣不得自
在依怙於他無自作用不隨已欲故作斯論
自性羸劣者謂諸有為法從緣生性立自性
名有說有為有生滅故自性羸劣者說有為
從緣生故自性羸劣如契經說苾芻當知色
是無常諸因諸緣能生色者亦是無常既是
無常因緣所起色云何常受想行識亦復如
是由羸劣故諸有為法或四緣生或三緣生
或二緣生尚無十緣獨能生者何況無緣故

帝

阿毘達磨大毗婆沙論五十五

有為法自性羸劣如羸病者或四人扶或三人扶或二人扶方能起住尚無一人獨令起住何況無人不得自在者謂諸有為法無自力用而可得生依怙於他者謂諸有為法必依怙他方能起用無自作用者謂諸有為法不能自起分別作用誰造於我我為造誰不隨已欲者謂諸有為法無自欲樂分令我生勿令我滅而得遂者復次為欲開示迷緣起者緣起正理故作斯論謂或有執惟有無明緣行乃至生緣老死是緣起法為令彼迷得開解故顯有為法皆是緣起此中應說衆世所言復次勿為止他顯已崇義但欲開示緣

起正理令他得解故作斯論

答有身見與有身見為或四三二一緣問何

故此中間有身見與有身見為幾緣答言為

或四三二一緣後後智蘊中間法智與法智

為幾緣答言因等無問所緣增上耶答是作

論者意欲尔故乃至廣說復次此彼應同而

有異者節 阿毘達磨大毗婆沙論五十五是作論者以種種說作種種三文莊嚴

於義使不雜亂令易受持

復次為欲顯示二門二略二階二證二炬二

明二文二影如此所說彼亦應然如彼所說

此亦應然故作是說

復次此說足了義彼說不了義此說無別意

彼說有別意此說無別因彼說有別因此說
是勝義彼說是世俗復次此所作論依四分
別一分別界二分別世三分別刹那四分別
等無間緣彼所作論依一分別謂但分別等
無間緣故此所說與後有異此中四者云何
四如有身見無間起有身見昂思惟彼前生
與後生為四緣謂一刹那有身見無間緣二
刹那有身見現在前此後所生昂緣前起彼
前與後具作四緣謂因等無間所緣增上緣
因緣者謂前生有身見與後生有身見為二
因謂同類因及遍行因等無間緣者謂後生
有身見從前生有身見無間而生所緣緣者

謂後生有身見緣前生有身見而生增上緣者謂前於後或惟無障或不礙生此中因緣如種子法等無間緣如開避法所緣緣如任杖法增上緣如不障法後生有身見由前生有身見爲四緣拱受故能行世能取果能作業非知緣此中三者云何三如有身見無間起有身見不思惟彼前生與後生爲三緣除所緣謂一刹那有身見無間第二刹那有身見現在前此後所生不緣前起謂或緣色受想行識或除前有身見緣所餘行蘊彼前與後但作三緣謂因等無間增上緣釋此三緣如前廣說後生有身見由前生有身見爲三

緣攝受故能行世能取果能作業能知緣或有身見無間起餘心後起有身見即思惟彼前生與後生爲三緣除等無間謂一刹那有身見無間第二刹那有身見不現在前或邊執見或邪見或見取或戒禁取或疑或貪或瞋或慢或無明或有漏善或無覆無記心現在前此後還起有身見即緣前生有身見彼前與後但作三緣謂因所緣增上緣釋此三緣如前廣說後生有身見由前生有身見爲三緣攝受故能行世能取果能作業能知緣此中二者云何二如有身見無間起餘心後起有身見不思惟彼前生與後生爲二緣謂

因增上謂一刹那有身見無間第二刹那有
身見不現在前或邊執見乃至或無覆無記
心現在前此後還起有身見不緣前生有身
見謂或緣色受想行識或除前有身見緣所
餘行蘊彼前與後但作二緣謂因增上緣釋
此二緣如前廣說後生有身見由前生有身
見爲二緣攝受故能行世能取果能作業能
知緣此中一者云何一後生有身見與前生
有身見若作所緣爲所緣增上不作所緣一
增上以後與前無因緣無等無間緣義故問
何故此中問一答二答論者作論立法非一
或有先遮後答或有先答後遮先遮後答者

如此中說若作所緣爲所緣增上者是遮二緣不作所緣一增上者是答一緣先答後遮者如一行納息說若前生未斷則繫者是答繫若前未生設生已斷則不繫者是遮不繫復有說者此俱是答謂後與前若作所緣便爲二緣答前二問不作所緣但爲一緣答此一問前答二中但答一分所未答者此中答之後准此釋未來有身見與過去現在有身見若作所緣爲所緣增上不作所緣一增上未來現在有身見與過去有身見若作所緣爲所緣增上不作所緣一增上問現在有身見正有作用可能緣境過去有身見作用已

息如何能緣而此中說若作所緣爲所緣增
上答過去有身見曾在現在時緣彼已滅今
雖過去追談彼用故作是說問此中前說後
生有身見與前生有身見若作所緣爲所緣
增上不作所緣一增上者說過去後生有身
見與過去前生有身見爲二一緣何故不說
未來有身見與未來有身見爲二一緣耶答
應說而不說者當知此義有餘復次此中但
說有前後者彼無前後故略不說問未來生
位與未生者豈無前後答世無別故不名前
後問若今過去前生後生世既無別應非前
後答彼法曾在現在等時有世別義故成前

後未來不介故略不說欲界有身見與色無
色界有身見爲一增上謂欲界有身見於上
二界有身見或惟無障或不礙生故爲一增
上緣非因緣者謂界地別因果斷故非等無
間緣者謂無下地煩惱無間上地煩惱現在
前故非所緣緣者謂決定無上地煩惱緣下
義故色無色界有身見與欲界有身見若作
等無間爲等無間增上不作等無間一增上
謂若住色無色界有身見俱生心而命終起
欲界有身見俱生心而結生者彼色無色界
有身見與欲界有身見爲等無間增上緣非
因緣者義如前說非所緣緣者謂諸有身見

不緣他地故若不住色無色界有身見俱生
心而命終起欲界有身見俱生心而結生者
彼色無色界有身見與欲界有身見但爲一
增上緣非等無間緣者謂彼欲界有身見非
色無色界有身見無間生故非餘二緣義如
前說色界有身見與無色界有身見爲一增
上義如前說無色界有身見與色界有身見
若作等無間爲等無間增上不作等無間一
增上此中諸義准前應知如有身見與有身
見應知有身見與餘一切非遍行餘一切非
遍行與一切非遍行一切遍行與一切非遍
行亦亦謂諸睡眠類別有十即五見五非見

五見者謂有身見邊執見邪見見取戒禁取
五非見者謂疑貪瞋慢無明此中五名遍行
謂邪見見取戒禁取疑無明五名非遍行謂
有身見邊執見貪瞋慢此中有身見邊執見
雖遍緣自地故名遍行而不緣他地故亦名
非遍行由此攝在非徧行中如有身見與有
身見應知有身見與餘一切非徧行亦尔者
如有身見與有身見爲緣多少有身見與餘
一切邊執見貪瞋慢爲緣多少亦尔餘一切
非徧行與一切非徧行亦尔者如有身見與
有身見爲緣多少邊執見與邊執見貪瞋慢
有身見貪與貪瞋慢有身見邊執見瞋與瞋

慢有身見邊執見貪慢與慢有身見邊執見
貪瞋爲緣多少亦尔一切遍行與一切非遍
行亦尔者如有身見與有身見爲緣多少邪
見見取戒禁取疑無明一一與有身見邊執
見貪瞋慢爲緣多少亦尔有身見與戒禁取
爲緣或四三二一緣此中四者云何四如有
身見無間起戒禁取即思惟彼前生與後生
爲四緣謂有身見刹那無間戒禁取刹那現
在前此後所生即緣前起彼前與後具作四
緣謂因等無間所緣增上緣因緣者謂前生
有身見與後生戒禁取爲二因謂同類因及
遍行因等無間緣者謂後生戒禁取從前生

有身見無間而生所緣緣者謂後生戒禁取
緣前生有身見而生增上緣者謂前於後或
惟無障或不礙生此中因緣如種子法等無
間緣如開避法所緣緣如任杖法增上緣如
不障法後生戒禁取由前生有身見爲四緣
攝受故能行世能取果能作業能知緣此中
三者云何三如有身見無間起戒禁取不思
惟彼前生與後生爲三緣除所緣謂有身見
刹那無間戒禁取刹那現在前此後所生戒
禁取不緣前有身見起謂或緣色受想行識
或除前有身見緣所餘行蘊彼前生有身見
與後生戒禁取但作三緣謂因等無間增上

緣釋此三緣如前廣說後生戒禁取由前生
有身見為三緣攝受故能行世能取果能作
業能知緣或有身見無間起餘心後起戒禁
取即思惟彼前生與後生為三緣除等無間
謂有身見刹那無間戒禁取刹那不在前
或有身見或邊執見或邪見或見取或疑或
貪或瞋或慢或無明或有漏善或無覆無記
心現在前此後方起戒禁取即緣前生有身
見彼前生有身見與後生戒禁取但作三緣
謂因所緣增上緣釋此三緣如前廣說後生
戒禁取由前生有身見為三緣攝受故能行
世能取果能作業能知緣此中二者云何二

如有身見無間起餘心後起戒禁取不思惟
彼前生與後生爲二緣謂因增上謂有身見利
那無間戒禁取刹那不現在前或有身見乃
至無覆無記心現在前此後方起戒禁取不
緣前生有身見謂或緣色受想行識或除前
有身見緣所餘行蘊彼前生有身見與後生
戒禁取但作二緣謂因增上緣釋此二緣如
前廣說後生戒禁取由前生有身見爲二緣
攝受故能行世能取果能作業能知緣此中
一者云何一後生有身見與前生戒禁取若
作所緣爲所緣增上不作所緣一增上以後
與前無因緣無等無間緣義故此中間答如

前應知未來有身見與過去現在戒禁取若
作所緣為所緣增上不作所緣一增上未來
現在有身見與過去戒禁取若作所緣為所
緣增上不作所緣一增上此中間答如前應
知欲界有身見與色無色界戒禁取為一增
上謂欲界有身見於上二界戒禁取或惟無
障或不礙生故為一增上緣非因緣者謂界
地別因果斷故非等無間緣者謂無下地煩
惱無間上地煩惱現在前故非所緣緣者謂
決定無上地煩惱緣下義故色無色界有身
見與欲界戒禁取若作所緣非等無間為所
緣增上謂若不住色無色界有身見俱生心

而命歿起欲界戒禁取俱生心而結生此欲
界戒禁取緣色無色界有身見起彼色無色
界有身見與欲界戒禁取爲所緣增上緣非
因緣者義如前說非等無間緣者謂彼欲界
戒禁取非色無色界有身見無間生故若作
等無間非所緣爲等無間增上謂若任色無
色界有身見俱生心而命歿起欲界戒禁取
俱生心而結生此欲界戒禁取不緣色無色
界有身見起彼色無色界有身見與欲界戒
禁取爲等無間增上緣非因緣者義如前說
非所緣緣者此不緣彼故若作等無間及所
緣爲等無間所緣增上謂若任色無色界有

身見俱生心而命終起欲界戒禁取俱生心
而結生此欲界戒禁取緣色無色界有身見
起彼色無色界有身見與欲界戒禁取為等
無間所緣增上非因緣者義如前說不作等
無間及所緣一增上謂若不任色無色界有
身見俱生心而命終起欲界戒禁取俱生心
而結生此欲界戒禁取不緣色無色界有身
見起彼色無色界有身見與欲界戒禁取但
為一增上緣非餘三緣義如前說色界有身
見與無色界戒禁取為一增上義如前說無
色界有身見與色界戒禁取若作所緣非等
無間為所緣增上若作等無間非所緣為等

無間增上若作等無間及所緣為等無間所
緣增上不作等無間及所緣一增上此中諸
義准前應知如有身見與戒禁取應知有身
見與餘一切遍行一切遍行與一切徧行餘
一切非徧行與一切遍行亦尔如有身見與
戒禁取應知有身見與餘一切遍行亦尔
如有身見與戒禁取為緣多少有身見與
見見取疑無明為緣多少亦尔一切遍行與
一切遍行亦尔如有身見與戒禁取為緣
多少邪見與邪見見取戒禁取疑無明見取
與見取戒禁取疑無明邪見戒禁取與戒禁
取疑無明邪見見取疑與疑無明邪見見取

戒禁取無明與無明邪見見取戒禁取疑為緣多少亦尔餘一切非遍行與一切遍行亦尔者如有身見與戒禁取為緣多少邊執見貪瞋慢一一與邪見見取戒禁取疑無明為緣多少亦尔

於諸法中若問攝應依界分別若問智應依諦分別若問識應依處分別若問煩惱應依部分別如是分別諸法相時則易示現易可施設此中問煩惱故應依五部分別五部者謂見苦所斷見集滅道及修所斷見苦所斷煩惱有二種一徧行二不徧行見集所斷煩惱亦尔見滅所斷煩惱有二種一有漏緣二

無漏緣見道所斷煩惱亦不修所斷煩惱惟
有一種謂不遍行此中見苦所斷徧行煩惱
與見苦所斷徧行煩惱爲四緣謂因等無間
所緣增上因緣者有四因謂相應俱有同類
徧行等無間緣者謂見苦所斷徧行煩惱無
間見苦所斷徧行煩惱現在前所緣緣者謂
見苦所斷徧行煩惱緣見苦所斷徧行煩惱
而生增上緣者謂此與彼或惟無障或不礙
生見苦所斷徧行煩惱與見苦所斷不遍行
煩惱爲四緣因緣者有二因謂同類徧行等
無間緣者謂見苦所斷徧行煩惱無間見苦
所斷不遍行煩惱現在前所緣緣者謂見苦

所斷不遍行煩惱緣見苦所斷遍行煩惱而
生增上緣如前說見苦所斷遍行煩惱無見
集所斷遍行煩惱爲四緣因緣者惟一因謂
遍行等無間緣者謂見苦所斷遍行煩惱無
間見集所斷遍行煩惱現在前所緣緣者謂
見集所斷遍行煩惱緣見苦所斷徧行煩惱
而生增上緣如前說見苦所斷遍行煩惱與
見集所斷不徧行煩惱及見滅道修所斷一
切煩惱爲三緣除所緣因緣者惟一因謂遍
行等無間緣者謂見苦所斷遍行煩惱無間彼
諸煩惱現在前增上緣如前說非所緣緣者
彼諸煩惱不能緣他部非遍行故見苦所斷

不遍行煩惱與見苦所斷不遍行煩惱爲四
緣因緣者有三因謂相應俱有同類等無間
緣者謂見苦所斷不遍行煩惱無間見苦所
斷不遍行煩惱現在前所緣緣者謂見苦所
斷不遍行煩惱緣見苦所斷不遍行煩惱而生
增上緣如前說見苦所斷不遍行煩惱與見
苦所斷遍行煩惱爲四緣因緣者惟一因謂
同類等無間緣者謂見苦所斷不遍行煩惱
無間見苦所斷遍行煩惱現在前所緣緣者
謂見苦所斷遍行煩惱緣見苦所斷不遍行
煩惱而生增上緣如前說見苦所斷不遍行
煩惱與見集所斷遍行煩惱爲三緣除因等

無間緣者謂見苦所斷不遍行煩惱無間只
集所斷遍行煩惱現在前所緣緣者謂見苦
所斷遍行煩惱緣見苦所斷不遍行煩惱而
生增上緣如前說非因緣者非遍行法不與
他部煩惱為因見苦所斷不遍行煩惱與見
集所斷不遍行煩惱及見滅道修所斷一切
煩惱為等無間增上緣等無間緣者謂見苦
所斷不遍行煩惱無間彼諸煩惱現在前增
上緣如前說非餘二緣者不遍行法定非他
部染法因故不遍行惑定不能緣他部法故
如見苦所斷二種煩惱與九種煩惱為緣多
少見集所斷二種煩惱與九種煩惱為緣多少

應知亦尔見滅所斷有漏緣煩惱與見滅所
斷有漏緣煩惱爲四緣因緣者有三因謂相
應俱有同類等無間緣者謂見滅所斷有漏
緣煩惱無間見滅所斷有漏緣煩惱現在前
所緣緣者謂見滅所斷有漏緣煩惱緣見滅
所斷有漏緣煩惱而生增上緣如前說見滅
所斷有漏緣煩惱與見滅所斷無漏緣煩惱
爲三緣除所緣因緣者惟一因謂同類等無
間緣者謂見滅所斷有漏緣煩惱無間見滅
所斷無漏緣煩惱現在前增上緣如前非所
緣緣者謂見滅所斷無漏緣煩惱惟緣擇滅
非煩惱故見滅所斷有漏緣煩惱與見苦集

所斷遍行煩惱爲三緣除因等無間緣者謂見滅所斷有漏緣煩惱無間見苦集所斷遍行煩惱現在前所緣緣者謂見苦集所斷遍行煩惱緣見滅所斷有漏緣煩惱而生增上緣如前說非因緣者非遍行法於他部染無因義故見滅所斷有漏緣煩惱與見苦集所斷不遍行煩惱及見道修所斷一切煩惱爲等無間增上緣非因非所緣等無間緣者謂見滅所斷有漏緣煩惱無間彼諸煩惱現在前增上緣如前說非因緣義亦如上說非所緣緣者彼諸煩惱非遍行故不緣他部見滅所斷無漏緣煩惱與見滅所斷無漏緣煩惱

爲三緣除所緣因緣者有三因謂相應俱有
同類等無間緣者謂見滅所斷無漏緣煩惱
無間見滅所斷無漏緣煩惱現在前增上緣
如前說非所緣緣者彼緣擇滅非煩惱故見
滅所斷無漏緣煩惱與見滅所斷有漏緣煩
惱爲四緣因緣者惟一因謂同類等無間緣
者謂見滅所斷無漏緣煩惱無間見滅所斷
有漏緣煩惱現在前所緣緣者謂見滅所斷
有漏緣煩惱緣見滅所斷無漏緣煩惱而生
增上緣如前說見滅所斷無漏緣煩惱與見
苦集所斷遍行煩惱爲三緣除因等無間緣
者見滅所斷無漏緣煩惱無間見苦集所斷

通行煩惱現在前所緣緣者見苦集所斷遍
行煩惱緣見滅所斷無漏緣煩惱而生增上
緣如前說非因緣者不徧行或與他部染不
為因故見滅所斷無漏緣煩惱與見苦集所
斷不通行煩惱及見道修所斷一切煩惱為
等無間增上緣非因非所緣等無間緣者謂
見滅所斷無漏緣煩惱無間彼諸煩惱現在
前增上緣如前說非因緣者不徧行或與他
部染無因義故非所緣緣者彼諸煩惱不遍
行故不緣他部如見滅所斷二種煩惱與九
種煩惱為緣多少見道所斷二種煩惱與九
煩惱為緣多少應知亦余修所斷煩惱與修

所斷煩惱爲四緣因緣者有三因謂相應俱
有同類等無間緣緣者謂修所斷煩惱無間修
所斷煩惱現在前所緣緣者謂修所斷煩惱
緣修所斷煩惱而生增上緣如前說修所斷
煩惱與見苦集所斷遍行煩惱爲三緣除因
等無間緣者謂修所斷煩惱無間見苦集所
斷遍行煩惱現在前所緣緣者謂見苦集所
斷遍行煩惱緣修所斷煩惱而生增上緣如
前說非因緣者非遍行法不爲他部染法因
故修所斷煩惱與見苦集所斷不遍行煩惱
及見滅道所斷一切煩惱爲等無間增上緣
非因非所緣等無間緣者謂修所斷煩惱無

間彼諸煩惱現在前增上緣如前說非因緣者非遍行法不為他部染法因故非所緣緣者不遍行或皆不能緣他部法故又諸煩惱有十五部謂三界各有見苦乃至修所斷五部於中一一與十五部為緣多少如理應思又一界五部煩惱分為九種合二十七於中一一與二十七為緣多少如理應思

說一切有部發智大毗婆沙論卷第五十五節

梯蹬

上土方反下丁
鄧反梯上橫木

